



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa Sorumutuk Konsellu Ministrus nian iha loron 26 fulan-janeiru tinan 2022

Konsellu Ministrus hala'o sorumutuk iha Palásiu Governu, iha Dili no, aprova ona projetu Rezolusaun Governu nian, ne'ebé apresenta husi Primeiru-Ministru, Taur Matan Ruak, ba nomeasaun Ageu Jorge Cardoso, hodi ezerse knaar hanesan **Diretór Ezekutivu [Ajénsia Nasionál Planeamentu, Monitorizasaun no Avaliasaun \(ANAPMA\)](#)** nian, iha rejime komisaun servisu, ho durasaun tempu tinan haat.

Tuirmai apresentasaun ida husi Vice-Primeiru-Ministru no Ministru Planu no Ordenamentu, José Maria dos Reis, kona-ba **Pontu situasaun ezeekusaun ba projetu sira ne'ebé finansia husi Fundu Infraestrutura sira**. Apresenta ona rezultadu prinsipál sira husi jestaun no ezeekusaun Fundu Infraestrutura sira Sekretariadu Grande Projetu (SGP) nian, husi servisu verifikasaun no inspesaun ne'ebé realiza husi Ajénsia Dezenvolvimentu Nasionál, I. P. (ADN), husi prosesu aprovizionamentu projetu sira fundu infraestrutura Komisaun Nasionál Aprovizionamentu (KNA) nian no mós implementasaun husi projetu sira resposta ba bee sa'e iha loron 4 fulan-abril nian, husi grupu serbisu tékniku. Membro sira Konsellu Ministrus nian, analiza ona mós dezafiu prinsipál sira ne'ebé maka hasoru no solusaun no rekomendasaun sira hodi hadi'a ezeekusaun ba projetu sira ne'ebé finansia husi fundu infraestrutura sira. **REMATA**



Palácio do Governo,
Avenida Presidente Nicolau Lobato,
Dili, Timor-Leste